



UNIT KORPORAT DAN PERHUBUNGAN AWAM

MAKLUMAT MPJBT MELALUI AKHBAR UNTUK BULAN NOVEMBER 2016

BIL.	NO. RUJUKAN	TARIKH	JENIS AKHBAR	JENIS ARTIKEL	TAJUK
1.	011-2016/001	01.11.2016	Metro	Info MPJBT	69 lesen PUB kekal
2.	011-2016/002	02.11.2016	Sinar Harian	Info MPJBT	Tidak percaya menang hadiah kereta
3.	011-2016/003	02.11.2016	Utusan Malaysia	Info MPJBT	Suri rumah menang kereta
4.	011-2016/004	03.11.2016	Utusan Malaysia	Info PBT	Lima minggu beri pandangan, idea
5.	011-2016/005	17.11.2016	Sinar Harian	Info MPJBT	MPJBT bantu golongan kurang berkemampuan
6.	011-2016/006	21.11.2016	Sinar Harian	Info PBT	Bas percuma semua daerah mulai 2017
7.	011-2016/007	21.11.2016	Sinar Harian	Info PBT	PBT boleh guna Akta Kawalan Vektor
8.	011-2016/008	21.11.2016	Utusan Malaysia	Info PBT	Bas percuma diperluas seluruh negeri tahun depan
9.	011-2016/009	22.11.2016	Kosmo	Info PBT	Perkhidmatan bas percuma diperluas 2017
10.	011-2016/010	29.11.2016	Sinar Harian	Info MPJBT	Angkut 40 kenderaan tersadai

RINGKASAN LAPORAN UNTUK BULAN NOVEMBER 2016:

JENIS ARTIKEL	JUMLAH
ADUAN	-
INFO MPJBT	5
INFO PBT	5
JUMLAH	10



MAJLIS PERBANDARAN JOHOR BAHRU TENGAH

No. Daftar : 011-2016/001
Tarikh : 01.11.2016 (Selasa)
Jenis Akhbar : Metro
Jenis Artikel : Info MPJBT
Tajuk Artikel : 69 lesen PUB kekal

Johor Bahru: Majlis Perbandaran Johor Bahru Tengah (MPJBT) bersetuju mengekalkan 69 Lesen Rumah Awam dan Kedai Minuman (PUB) dalam kawasan pentadbirannya membabitkan dalam atau di luar zon seperti kelulusan diberikan sebelum 31 Julai lalu.

Yang Dipertua, Dr Badrul Hisyam Kassim berkata pihaknya bersetuju mengekalkan jumlah lesen PUB yang dikeluarkan selepas mengadakan mesyuarat bersama ahli majlis di peringkat majlis MPJBT.

“Satu dasar mengenai sokongan dan dasar pengeluaran lesen PUB dalam kawasan pentadbiran MJBT diwartakan berikutan keputusan majlis mengekalkan bilangan lesen PUB sejak 2015.

“Bermula 1 September lalu, semua permohonan

69 lesen PUB kekal



DR Badrul (kiri) menyampaikan hadiah tempat pertama kepada Rosnah Omar pada Majlis Penyampaian Hadiah Cabutan Berluah Pembayar Cukai Harta Tahun 2016, semalam.

membabitkan lesen PUB hanya dibenarkan di dalam beberapa zon iaitu Zon 1, Zon 2 dan bangunan berasingan atau ‘free-standing building’,

jika pemohon berada di luar kawasan zon,” katanya.

Beliau berkata demikian pada sidang media selepas menghadiri Majlis Penyam-

paian Hadiah Cabutan Berluah Pembayar Cukai Harta Tahun 2016 di Dewan Jamuan di Bangunan MPJBT di sini, semalam.



MAJLIS PERBANDARAN JOHOR BAHRU TENGAH



No. Daftar : 011-2016/002
Tarikh : 02.11.2016 (Rabu)
Jenis Akhbar : Sinar Harian
Jenis Artikel : Info MPJBT
Tajuk Artikel : Tidak percaya menang hadiah kereta

Tidak percaya menang hadiah kereta

JOHOR BAHRU- Seorang suri rumah tidak menyangka memenangi hadiah Proton Persona 1.6 selepas dipilih sebagai pemenang pertama cabutan bertuah pembayar cukai harta 2016 sempena ulang tahun ke-15 Majlis Perbandaran Johor Bahru Tengah (MPJBT).

Rosnah Omar,60, yang tinggal di Perumahan Rakyat Lima Kedai, Gelang Patah, mengakui tidak percaya selepas dimaklumkan sebagai pemenang pertama cabutan bertuah itu selepas dikunjungi kakitangan MPJBT Jumaat lalu.

“Saya tidak percaya selepas dimaklumkan memenangi kereta oleh kakitangan MPJBT ketika datang ke rumah saya Jumaat minggu lepas kerana tidak pernah memasuki apa-apa pertandingan.

“Apabila dijelaskan ia adalah cabutan bertuah bagi pembayar cukai harta barulah saya percaya kerana pada mulanya menyangka ia hanya gurauan. Saya amat bersyukur kerana terpilih untuk memenangi sebuah kereta dan ia adalah kereta pertama saya,” katanya.

Bagaimanapun, Rosnah mengambil keputusan



Rosnah bersama Badrul Hisham (kiri) dan Samat gembira menerima hadiah kemenangan selepas dinobatkan sebagai pemenang utama cabutan bertuah.

menghadiahkan kereta berkenaan kepada anak ketiganya, Jelita Soniawati Firdaus, 24, yang baru sahaja menamatkan pengajian dalam Ijazah Pengurusan Teknologi Perladangan Universiti Teknologi Mara (UiTM) Jasin, Melaka.

“Saya hadiahkan kereta kepadanya yang kini bekerja sebagai pegawai khidmat pelanggan di sebuah bank di Skudai kerana dia lebih memerlukan, lagipun saya tidak mempunyai lesen memandu.

“Tambahnya pula saya sering bersama suami sekiranya hendak ke mana-mana,” katanya.

Menurutnya, setiap tahun dia akan menjelaskan cukai harta tepat pada masanya sebanyak RM80 untuk kediamannya yang dibeli sejak 35 tahun lalu.

Majlis Penyampaian hadiah disempurnakan oleh Yang diPertua MPJBT, Dr Badrul Hisham Kassim, di sini, kelmarin

Hadir sama, Ketua Whip MPJBT, Samat Atan.



MAJLIS PERBANDARAN JOHOR BAHRU TENGAH

No. Daftar : 011-2016/003
Tarikh : 02.11.2016 (Rabu)
Jenis Akhbar : Utusan Malaysia
Jenis Artikel : Info MPJBT
Tajuk Artikel : Suri rumah menang kereta

Suri rumah menang kereta

JOHOR BAHRU 1 Nov. - Seorang suri rumah tidak menyangka memenangi hadiah sebuah kereta Proton Persona 1.6 selepas dipilih sebagai pemenang pertama cabutan bertuah pembayar cukai harta 2016 sempena ulang tahun ke-15 Majlis Perbandaran Johor Bahru Tengah (MPJBT).

Rosnah Omar, 60, yang tinggal di Perumahan Rakyat Lima Kedai, Gelang Patah, dekat sini mengakui seakan-akan tidak percaya selepas dimaklumkan sebagai pemenang pertama cabutan bertuah itu selepas dikunjungi kakitangan MPJBT, Jumaat lalu.

Dia bercadang menghadiahkan kereta yang dimenangi kepada anak ketiganya, Jelita Soniawati Firdaus, 24, yang baru menamatkan pengajian dalam Ijazah Pengurusan Teknologi Perladangan, Universiti Teknologi Mara (UiTM) Lendu, Melaka.

"Saya bagaikan tidak percaya selepas dimaklumkan memenangi sebuah kereta oleh kakitangan MPJBT ketika datang ke rumah saya Jumaat lepas kerana terfikir tidak pernah memasuki apa-apa pertandingan."

"Namun apabila dijelaskan adalah cabutan bertuah bagi pembayar

cukai harta barulah saya percaya kerana pada mulanya menyangkanya hanya gurauan. Saya amat bersyukur kerana terpilih untuk memenangi sebuah kereta yang merupakan kereta pertama saya.

"Saya akan menghadiahkan kereta ini kepada anak perempuan yang baru tamat pengajian dan kini bekerja sebagai pegawai khidmat pelanggan di sebuah bank di Skudai kerana dia lebih memerlukan, lagipun saya tidak mempunyai lesen memandu," katanya yang setiap tahun akan menjelaskan cukai harta tepat pada masanya melibatkan bayaran sebanyak RM80 untuk kediamannya yang dibeli sejak 35 tahun lalu.

Majlis penyampaian hadiah cabutan bertuah pembayar cukai harta 2016 sempena sambutan ulang tahun MPJBT ke-15 disempurnakan Yang Dipertua MPJBT, Dr. Badrul Hisham Kassim di sini semalam.

Yang turut hadir, Ketua Whip MPJBT, Samat Atan.

Kali ini, MPJBT menyediakan 2,000 hadiah bagi pembayar cukai yang menjadi pemenang cabutan bertuah cukai harta dengan hadiah keseluruhan bernilai RM221,900.



BADRUL HISHAM KASSIM (kiri) menyampaikan replika kunci kereta Proton Persona 1.6 kepada Rosnah Omar sambil diperhatikan Samat Atan dalam majlis penyampaian hadiah cabutan bertuah di Johor Bahru, kelmarin. - UTUSAN/BAAZLAN IBRAHIM



MAJLIS PERBANDARAN JOHOR BAHRU TENGAH

No. Daftar : 011-2016/004
Tarikh : 03.11.2016 (Khamis)
Jenis Akhbar : Utusan Malaysia
Jenis Artikel : Info PBT
Tajuk Artikel : Lima minggu beri pandangan,idea



ISMAIL KARIM (dua dari kanan) menunjukkan buku Draf Rancangan Tempatan 2025 dalam Program Publisiti dan Penyertaan Awam Draf Rancangan Tempatan Daerah Johor Bahru dan Kulai 2015 (penggantian) di Persada Johor, Johor Bahru, semalam.
- UTUSAN/BAAZLAN IBRAHIM

Peluang orang ramai terlibat dalam perancangan daerah

Lima minggu beri pandangan, idea

Oleh LUQMAN HAZIQ
utusan.johor@gmail.com

■ JOHOR BAHRU 2 NOV.

ORANG ramai, khususnya warga bandar raya ini diminta merebut peluang untuk memberikan pandangan dan cadangan semasa Program Publisiti dan Penyertaan Awam Draf Rancangan Tempatan Daerah Johor Bahru dan Kulai 2015 (penggantian) yang bermula semalam.

Menteri Besar, Datuk Seri Mohamed Khaled Nordin berkata, mereka boleh mengemukakan cadangan dan idea bagi membantu dan memandu kerajaan negeri merangka pelan pem-

bangunan terbaik untuk pihak berkuasa tempatan (PBT), khususnya dalam pembangunan guna tanah.

"Saya percaya terdapat pandangan berasas lagi inovatif daripada penduduk daerah ini yang boleh diketengahkan serta diperimbangkan untuk dimuatkan dalam pelan pembangunan secara menyeluruh.

"Pihak berkepentingan dan sesiapa sahaja yang ingin memberikan pandangan boleh membuat semakan di pejabat Jabatan Perancangan Bandar dan Desa negeri, PBT yang berkaitan dan Pihak Berkuasa Pembangunan Wilayah Iskandar (IRDA) selama lima minggu mulai hari ini (semalam)," katanya pada majlis

perasmian program tersebut di Pusat Konvensyen Antarabangsa Persada, di sini semalam.

Teks ucapan beliau dibacakan oleh Setiausaha Kerajaan Negeri, Datuk Ismail Karim.

Yang turut hadir, Timbalan Speaker Dewan Undangan Negeri (DUN), Datuk Baderi Dasuki; Pengarah Perancangan Bandar dan Desa negeri, Dr. Shamsaini Shamsuddin; Datuk Bandar Johor Bahru, Rahim A. Nin; Yang Dipertua Majlis Perbandaran Johor Bahru Tengah, Dr. Badrul Hisham Kassim, Yang Dipertua Majlis Perbandaran Pasir Gudang, Hasrin Kamal Hashim dan Yang Dipertua Majlis Perbandaran Kulai, Abdul Rahman Salleh.





MAJLIS PERBANDARAN JOHOR BAHRU TENGAH

No. Daftar : **011-2016/005**
Tarikh : **17.11.2016 (Khamis)**
Jenis Akhbar : **Sinar Harian**
Jenis Artikel : **Info MPJBT**
Tajuk Artikel : **MPJBT bantu golongan kurang berkemampuan**



Ramadass (dua, kiri) menyampaikan sijil pembaikan rumah kepada Sariah (dua,kanan) sambil diperhatikan Fadzilin (kiri).

MPJBT bantu golongan kurang berkemampuan

JOHOR BAHRU - Yayasan Penyayang Majlis Perbandaran Johor Bahru Tengah (MPJBT) memperuntukkan RM30,000 untuk Program Bantuan Membaiki Kerosakan kepada golongan yang memerlukan di dalam kawasan seliaan MPJBT.

Ahli Lembaga Pemegang Amanahnya, N Ramadass berkata, program bertujuan membantu dan memberi sumbangan kepada golongan yang kurang berkemampuan dengan harapan dapat meringankan beban dan kesusahan yang dialami.

Menurutnya, seramai 10 penerima telah dipilih untuk menikmati bantuan pembaikan bernilai RM3,000 untuk sebuah rumah.

"Kontraktor telah mula menjalankan kerja-kerja penyelenggaraan dan membaiki rumah bermula bulan Ogos yang lalu.

"Antara bantuan yang disediakan ialah bantuan punca pendapatan yang mana ia diberikan kepada balu yang baru kematian suami, bantuan kebakaran rumah dan sebagainya," katanya selepas pemberian sijil program berkenaan, kelmarin.

Hadir sama, Pengurus Yayasan Penyayang MPJBT, Fadzilin Abd Rashid.

Sementara itu, Sariah Abdul Ghani, 56, yang tinggal di Kampung Pok, Gelang Patah, di sini, bersyukur kerana terpilih sebagai salah seorang penerima bantuan.

"Saya merupakan ibu tunggal dan mempunyai anak yang berumur 14 tahun. Saya tidak bekerja dan hanya mengharapkan simpati daripada adik beradik untuk hidup," katanya.





MAJLIS PERBANDARAN JOHOR BAHRU TENGAH

No. Daftar	:	011-2016/006
Tarikh	:	21.11.2016 (Isnin)
Jenis Akhbar	:	Sinar Harian
Jenis Artikel	:	Info PBT
Tajuk Artikel	:	Bas percuma semua daerah mulai 2017

Bas percuma semua daerah mulai 2017

JOHOR BAHRU - Perbadanan Pengangkutan Awam Johor (PAJ) memperluaskan perkhidmatan Bas Muafakat Johor (BMJ) ke semua daerah di negeri ini, tahun hadapan.

Ketua Pegawai Eksekutifnya, Suhairi Hashim berkata, ia susulan sambutan memberangsangkan rakyat tempatan terhadap perkhidmatan itu di empat kawasan Pihak Berkuasa Tempatan (PBT).

Menurutnya, perkhidmatan yang kini disediakan di kawasan Majlis Bandaraya Johor Bahru (MBJB), Majlis Perbandaran Johor Bahru Tengah (MPJBT), Majlis Perbandaran Pasir Gudang (MPPG) dan Majlis Perbandaran Kulai (MPKu) itu, akan diperluaskan kepada semua PBT di Johor.

"Kawasan-kawasan yang telah dan akan terlibat termasuk Johor Bahru, Pontian, Kulai, Kluang, Batu Pahat, Muar, Tangkak, Segamat, Mersing dan Kota Tinggi," katanya di sini semalam.

Beliau berkata demikian bagi mengulas mengenai perluasan perkhidmatan bas

percuma itu seperti dalam Bajet Johor 2017.

Suhairi berkata, langkah itu merupakan salah satu inisiatif kerajaan negeri dalam mengurangkan beban sara hidup rakyat.

"Selain itu, perkhidmatan tersebut juga mampu meningkatkan jaringan pengangkutan awam yang selesa serta efisien di seluruh Johor," katanya.

Pada sesi pembentangan Bajet Negeri Johor 2017, Menteri Besar, Datuk Seri Mohamed Khaled Nordin mengumumkan penambahan jumlah perjalanan dan jarak laluan BMJ.

Ia melibatkan peruntukan sejumlah RM21 juta yang meningkat berbanding RM11 juta tahun ini.

Peruntukan itu merupakan sumbangan daripada kerajaan negeri dan Pihak Berkuasa Tempatan (PBT) dan akan meliputi 50 laluan di seluruh Johor.

PAJ bertanggungjawab menyedia, menyelaras dan memantau satu-satunya perkhidmatan bas percuma khusus untuk warganegara Malaysia itu.

Ketika diperkenalkan pada April 2016, perkhidmatannya hanya melibatkan 15 laluan di dalam Wilayah Pembangunan Iskandar Malaysia.





MAJLIS PERBANDARAN JOHOR BAHRU TENGAH

No. Daftar : **011-2016/007**
Tarikh : **21.11.2016 (Isnin)**
Jenis Akhbar : **Sinar Harian**
Jenis Artikel : **Info PBT**
Tajuk Artikel : **PBT boleh guna Akta Kawalan Vektor**

PBT boleh guna Akta Kawalan Vektor

Kompaun dikenakan lebih tinggi, beri kesedaran kepada orang ramai perangi aedes

SEGAMAT - Penguat kuasa pihak berkuasa tempatan (PBT) boleh mengambil tindakan di bawah Akta Kawalan Vektor Kementerian Kesihatan terhadap kawasan yang dikesan terdapat pembiaian nyamuk aedes kerana kompaun yang dikenakan adalah lebih tinggi.

Menteri Kesihatan, Datuk Seri Dr S Subramaniam berkata, ini kerana Undang-Undang Kecil yang digunakan oleh PBT di negara ini mengenakan kompaun yang rendah dan maksimum sebanyak RM2,000 manakala maksimum RM50,000 di bawah Akta Kawalan Vektor.

"Biasanya, bila kompaun yang dikeluarkan terlalu rendah, keberkesanannya penguatkuasaannya adalah rendah. Penggunaan Akta Kawalan Vektor ini bertujuan memberi lebih kesedaran dan tanggungjawab dalam merangi aedes."

"Kita juga akan selaraskan aktiviti kawalan dengan melalui penubuhan jawatankuasa dalam peringkat negeri supaya memberi lebih kuasa dan arahan tersebut telah dikeluaran kepada semua menteri besar," katanya.

Subramaniam yang juga Ahli Parlimen Segamat berkata kepada pemberita selepas merasmikan Program Gotong Royong Mega Bersepadu Perangi Aedes 2016 Peringkat Kebangsaan di Gelanggang Bola Keranjang Kampung Baru Batu Anam, di sini, semalam.

Beliau berkata, sekiranya menteri besar tidak berkesempatan untuk mempergerakkan jawatankuasa tersebut, ia perlu dipengerusikan ahli Exco kerajaan negeri yang menjaga portfolio kesihatan dan PBT.

"Kita mahu selaraskan penjagaan persekitaran dan dengan kerana dua faktor ini



Subramaniam (tengah) sewaktu Program Gotong Royong Mega Bersepadu Perangi Aedes 2016 di Kampung Baru Batu Anam, semalam.

saling berkait rapat kerana tidak guna sekiranya kita membanteras dengan dan pada masa sama persekitaran tersebut tidak dijaga.

"Sekiranya pada hujung tahun ini musim tengkujuh dan banjir, kami bimbang statistik dengan akan naik mendadak se-

lepas itu kerana terlalu banyak takungan air yang berpotensi meningkatkan populasi nyamuk aedes," katanya.

Menurutnya, sejak tahun lalu juga kementeriannya telah menjalankan kerjasama dengan agensi-agensi kerajaan termasuk PBT dan Pejabat

Daerah untuk merobohkan bangunan terbiary yang menjadi lokasi pembiakan aedes melalui peruntukan perundangan sedia ada.

Sementara itu, beliau berkata, jumlah terkumpul kes dengan dari Januari hingga 19 November 2016 seluruh ne-

gara adalah sebanyak 92,891 kes dengan 214 kematian berbanding 106,757 dan 293 kematian pada tempoh sama tahun lalu.

"Negeri Selangor kekal mencatatkan negeri terbanyak kes dengan iaitu 47,672 kes dan 71 kematian diikuti Johor 10,037 kes dengan 21 kematian.

"Daripada jumlah kes seluruh tersebut, lebih daripada 18 peratus kes dengan datang dari tanah-tanah lapang selain lebih 30 peratus pula dari tapak pembinaan dan kami (kementerian) sedang memberi tumpuan dua kawasan ini," katanya.

Menurut Subramaniam, Kampung Baru Batu Anam, di sini, dipilih sebagai kawasan program kerana merupakan lokality wabak pada September lalu dan mencatatkan sembilan kes dengan dari Januari hingga 30 September 2016.





MAJLIS PERBANDARAN JOHOR BAHRU TENGAH

No. Daftar : 011-2016/008
Tarikh : 21.11.2016 (Isnin)
Jenis Akhbar : Utusan Malaysia
Jenis Artikel : Info PBT
Tajuk Artikel : Bas percuma diperluas seluruh negeri tahun depan

Bas percuma diperluas seluruh negeri tahun depan

Oleh ZULHISHAM ISAHAK

utusan.johor@gmail.com

■ JOHOR BAHRU 20 NOV.

SAMBUTAN memberangsangkan daripada rakyat tempatan terhadap Perkhidmatan Bas Muafakat Johor (BMJ) di empat kawasan pihak berkuasa tempatan (PBT) membolehkan perkhidmatan itu diperluaskan ke semua daerah di Johor mulai tahun depan.

Ketua Pegawai Eksekutif Perbadanan Pengangkutan Awam Johor (PAJ), Suhairi Hashim berkata,

perkhidmatan itu akan diperluaskan kepada semua PBT melibatkan 50 laluan di seluruh negeri.

"Ketika ini perkhidmatan itu disediakan di kawasan Majlis Bandaraya Johor Bahru (MBJB), Majlis Perbandaran Johor Bahru Tengah (MPJBT), Majlis Perbandaran Pasir Gudang (MPPG) serta Majlis Perbandaran Kulai (MPKu) dan akan diperluaskan kepada semua PBT di Johor.

"Kawasan-kawasan yang telah dan akan terlibat termasuk Johor Bahru, Pontian, Kulai, Kluang, Batu Pahat, Muar, Tangkak, Segamat, Mersing dan Kota Tinggi,"

katanya dalam satu kenyataan di sini hari ini.

Khamis lalu, menerusi Bajet Johor 2017, Menteri Besar, Datuk Seri Mohamed Khaled Nordin mengumumkan penambahan jumlah perjalanan dan jarak laluan BMJ melibatkan peruntukan RM21 juta.

Peruntukan itu merupakan sumbangan kerajaan negeri dan PAJ bertanggungjawab menyedia, menyelaras dan memantau satu-satunya perkhidmatan bas percuma khusus untuk warganegara.

Semasa diperkenalkan pada April 2016, perkhidmatan berke-

naan hanya melibatkan 15 laluan di dalam Wilayah Pembangunan Iskandar Malaysia.

Menurut Suhairi, langkah tersebut merupakan satu inisiatif kerajaan negeri dalam mengurangkan beban sara hidup rakyat seperti diumumkan dalam bajet berkenaan.

"Perkhidmatan ini juga mampu meningkatkan jaringan pengangkutan awam yang selesa serta efisien di seluruh Johor," katanya sambil menambah kerajaan negeri tetap komited untuk terus memberi kemudahan dan keselesaan kepada masyarakat.





MAJLIS PERBANDARAN JOHOR BAHRU TENGAH

No. Daftar : 011-2016/009
Tarikh : 22.11.2016 (Selasa)
Jenis Akhbar : Kosmo
Jenis Artikel : Info PBT
Tajuk Artikel : Perkhidmatan bas percuma diperluas 2017

Perkhidmatan bas percuma diperluas 2017

Khabar dari Daerah

JOHOR BAHRU – Perbadanan Pengangkutan Awam Johor (PPAJ) menyokong komitmen kerajaan negeri dalam usaha memperluaskan jumlah perjalanan dan laluan perkhidmatan percuma Bas Muafakat Johor (BMJ) ke seluruh daerah di negeri ini mulai tahun depan.

Ketika ini, perkhidmatan BMJ yang dilancarkan pada April lalu hanya beroperasi di kawasan Majlis Bandaraya Johor Bahru, Majlis Perbandaran Johor Bahru Tengah, Majlis Perbandaran Pasir Gudang dan Majlis Perbandaran Kulai.

Ketua Pegawai Eksekutif



LANGKAH kerajaan negeri untuk memperluaskan perkhidmatan BMJ dapat meringankan beban rakyat Johor. - Gambar hiasan

PPAJ, Suhairi Hashim berkata, langkah tersebut merupakan salah satu inisiatif kerajaan negeri dalam mengurangkan

beban kos sara hidup rakyatnya.

“Kawasan-kawasan BMJ yang akan terlibat kelak ter-

masuk Pontian, Kulai, Kluang, Batu Pahat, Muar, Tangkak, Segamat, Mersing dan Kota Tinggi,” katanya ketika menulis mengenai langkah memperluaskan perkhidmatan bas percuma itu di sini kelmarin.

Baru-baru ini, Menteri Besar, Datuk Seri Mohamed Khaled Nordin dalam pembentangan Bajet Johor 2017 mengumumkan penambahan jumlah perjalanan dan jarak laluan BMJ melibatkan peruntukan sejumlah RM21 juta berbanding RM11 juta pada tahun ini.

Peruntukan itu merupakan sumbangan daripada kerajaan negeri dan pihak berkuasa tempatan yang akan meliputi sebanyak 50 laluan BMJ di seluruh Johor.

Setakat ini, terdapat kira-kira 30 buah BMJ beroperasi.





MAJLIS PERBANDARAN JOHOR BAHRU TENGAH

No. Daftar : 011-2016/010
Tarikh : 29.11.2016 (Selasa)
Jenis Akhbar : Sinar Harian
Jenis Artikel : Info MPJBT
Tajuk Artikel : Angkut 40 kendaraan tersadai

Angkut 40 kendaraan tersadai

Pemilik dinasihatkan tidak membiarkan kendaraan lama tersadai di kawasan perumahan

■ SITI NOOR SEPEE

JOHOR BAHRU - Majlis Perbandaran Johor Bahru Tengah (MPJBT) menasihatkan orang ramai supaya tidak membiarkan kendaraan lama di kawasan perumahan kerana ia mampu mengundang pelbagai masalah khususnya kesihatan.

Ahli Majlis MPJBT, Datuk Seri Kowa Cher Chiang berkata, sebanyak 40 kendaraan lama disita di Taman Sri Skudai sepanjang tahun ini.

Menurutnya, susulan aduan orang ramai, MPJBT memindahkan kendaraan terbiasa itu ke depot kendaraan sitaan dan akan dilupuskan sekiranya tiada tuntutan daripada pemilik dalam tempoh tiga bulan.

"Kita berharap pemilik supaya lebih bertanggungjawab



Cher Chiang (tengah) menggesa pemilik kendaraan lama supaya lebih bertanggungjawab dan tidak membiarkan kendaraan tersadai sehingga mengundang rasa tidak selesa orang ramai.

dan tidak membiarkan kendaraan mereka 'tersadai' di kawasan perumahan. Ia mengundang rasa tidak selesa penduduk dan boleh menjadi sara pengembalian aedes.

Berdasarkan aduan diterima, masalah ini sering berlaku di kawasan perumahan lama seperti Taman Sri Skudai

yang dibina kira-kira 38 tahun lalu atau pusat perindustrian yang lokasinya agak terkorok," katanya.

Beliau berkata demikian pada sidang media di Kelab Media Cina Johor Selatan bagi mempromosikan Karnival dan Malam Mesra Perpaduan Zon Taman Sri

Skudai 2016, pada 3 Disember ini di Dewan Raya, Taman Sri Skudai, di sini.

Cher Chiang berkata, pelbagai program diadakan sempena karnival sehari bermula jam 7 pagi hingga 10.30 malam antaranya pameran jualan, kaunter pelbagai agensi kerajaan termasuk MPJBT



Antara kendaraan lama yang disita MPJBT.

dan jamuan makan malam bersama anak istimewa se-rebrai palsi.

Sementara itu, Yang Dipertua MPJBT, Dr Badrul Hisham Kassim berkata, purata 40 kendaraan lama disita oleh MPJBT susulan notis yang dikeluarkan tidak diendahkan pemilik menyebab-

kan ia terpaksa disita.

"Depot sedia ada agak sesak dengan kendaraan lama, kita bakal membina depot baharu bagi menempatkan kendaraan sitaan dan haiwan (anjing liar) di Taman Impian Emas. Ia telah diluluskan dalam bajet bagi tahun 2017," katanya.

